



Broj: 0101-3935-8-LOT.3./17
Sarajevo, 28. 06. 2017. godine

Na osnovu člana 70. stav (1), (3) i (6) Zakona o javnim nabavkama Bosne i Hercegovine („Službeni glasnik BiH“ broj: 39/14) i člana 59. Statuta Univerziteta u Sarajevu, nakon provedenog konkurentskog zahtjeva za dostavljanje ponuda za javnu nabavku usluge-LOT 3: OSIGURANJE MOTORNIH VOZILA, na preporuku Komisije za javnu nabavku broj: 0101-3935-6-LOT.3./17 od 28. 06. 2017. godine, rektor Univerziteta u Sarajevu je d o n i o

ODLUKU
o izboru najpovoljnijeg ponuđača i dodjeli ugovora

Član 1.

Prihvata se preporuka Komisije za javnu nabavku broj: 0101-3935-6-LOT.3./17 od 28. 06. 2017. godine i ugovor o javnoj nabavci usluge-LOT 3. OSIGURANJE MOTORNIH VOZILA, dodjeljuje ponuđaču ASA osiguranje d.d. Trg međunarodnog prijateljstva 25, 71000 Sarajevo, čija ukupna cijena ponude iznosi 2.214,77 KM bez PDV-a (slovima: dvijehiljadedvjestotinečetnaest KM i 77/100), iz razloga što je u postupku konkurentskog zahtjeva za dostavljanje ponuda, ponuđač ponudio najnižu cijenu tehnički zadovoljavajuće ponude u skladu sa članom 64. stav (1) tačka b) Zakona o javnim nabavkama BiH.

Član 2.

Izabrani ponuđač je dužan na adresu Univerziteta u Sarajevu, Obala Kulina bana 7/II, 71 000 Sarajevo, u roku od 3 (tri) dana od dana zaprimanja ove Odluke, dostaviti originale ili ovjerene kopije dokaza traženih tačkom 13. Tenderske dokumentacije, ne starije od 3 (tri) mjeseca od dana predaje ponude, u skladu sa dostavljenom Izjavom ponuđača, s tim da datum izdavanja dokumenata ne smije biti nakon datuma podnošenja ponude.

Član 3.

Ova Odluka će se objaviti na web stranici Univerziteta u Sarajevu www.unsa.ba, istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama BiH.

O b r a z l o ž e n j e

Na osnovu Odluke o pokretanju postupka javne nabavke broj: 0101-3935-1/17 od 07. 06. 2017. godine, Univerzitet u Sarajevu je pokrenuo postupak konkurentskog zahtjeva za dostavljanje ponuda za javnu nabavku usluge-Osiguranje zaposlenika od nezgode, osiguranje imovine i osiguranje motornih vozila.

Predmetna javna nabavka je podjeljena na lotove:

Lot 1: Osiguranje zaposlenika od nezgode

Lot 2: Osiguranje imovine

Lot 3: Osiguranje motornih vozila

Za provođenje postupka predmetne javne nabavke, Odlukom broj: 0101-3935-2/17 od 07. 06. 2017. godine, imenovana je Komisija za provođenje postupka javne nabavke.

Obavještenje o nabavci broj: 999-7-2-123-3-19/17 objavljeno je na Portalu javnih nabavki dana 09. 06. 2017. godine. Istog dana, na Portalu javnih nabavki objavljena je i Tenderska dokumentacija broj: 0101-3935-3/17.

Iz Zapisnika Komisije za javne nabavke o pregledu i ocjeni ponuda (LOT 3.), vidljivo je da je konkurentski zahtjev za dostavljanje ponuda dana 09. 06. 2017. godine, upućen na adrese slijedeća tri ponuđača:

TRIGLAV OSIGURANJE d. d. Dolina 8, 71 000 Sarajevo

VGT Osiguranje d. d. Alaudin 1, 71300 Visoko

SARAJEVO OSIGURANJE d. d. Čobanija 14, 71 000 Sarajevo.

Iz Izvještaja o preuzimanju tenderske dokumentacije od strane ponuđača, preuzetog sa Portala javnih nabavki, vidljivo je da su, u periodu koji je ostavljen za dostavljanje ponuda, sa Portala javnih nabavki Tendersku dokumentaciju preuzeli slijedeći potencijalni ponuđači: "ZOVKO OSIGURANJE" D.D. ŽEPČE, WIENER OSIGURANJE VIG AD, Infostrim d.o.o., BBS Europe, ASA OSIGURANJE D.D. SARAJEVO, ekapija doo, Euroherc osiguranje dd, SARAJEVO-OSIGURANJE D.D., Triglav Osiguranje d.d., DD za osiguranje VGT Visoko, UNIQA osiguranje d.d. Sarajevo i BOSNA-SUNCE OSIGURANJE D.D. SARAJEVO.

Iz Izvještaja o pitanjima i odgovorima u vezi sa tenderskom dokumentacijom, preuzetog sa Portala javnih nabavki, vidljivo je da u periodu koji je ostavljen za dostavljanje ponuda, od strane potencijalnog ponuđača Euroherc osiguranje dd, Sarajevo postavljeno je slijedeće pitanje u vezi sa Tenderskom dokumentacije broj: 0101-3935-3/17 od 09. 06. 2017. godine, u dijelu koji se odnosi na Lot 3:

-“Budući da se radi o novim vozilima molim vas da provjerite da li imate pravo na bonus?”

Ugovorni organ je dostavio slijedeći odgovor na postavljeno pitanje za LOT 3.:

„Na postojećim registrovanim vozilima imamo bonus od 50 % na polici obaveznog osiguranja od autoodgovornosti i sva prava sa starih vozila prenosimo na nova.“ Nije bilo dodatnih pitanja za pojašnjenje tenderske dokumentacije.

Iz Zapisnika Komisije za javnu nabavku je vidljivo da su do krajnjeg roka za dostavljanje ponuda (21. 06. 2017. godine do 10,00 sati) zaprimljene ponude slijedećih ponuđača:

-ZOVKO Osiguranje d.d. Goliješnica bb, 72230 Žepče;

-VGT Osiguranje d.d. Alaudin 1, 71300 Visoko;

-ASA osiguranje d.d. Trg međunarodnog prijateljstva 25, 71000 Sarajevo;

-TRIGLAV OSIGURANJE d.d. Dolina 8, 71 000 Sarajevo;

-EUROHERC OSIGURANJE d.d. Trg međunarodnog prijateljstva 20, 71000 Sarajevo.

Iz Zapisnika Komisije za javnu nabavku je vidljivo da je dana 21. 06. 2017. godine u 10,15 sati izvršeno javno otvaranje prispjelih ponuda.

Na javnom otvaranju ponuda bio je prisutan predstavnik ponuđača EUROHERC OSIGURANJE d.d. Sarajevo, Haris Branković, koji je prisustvovao javnom otvaranju ponuda bez punomoći, tako da nije imao pravo potpisati Zapisnik sa otvaranja ponuda, niti preduzimati bilo koje pravne radnje u ime ponuđača.

Zapisnik sa javnog otvaranja ponuda je, u zakonskom roku, upućen putem pošte svim ponuđačima koji su blagovremeno dostavili ponude.

Iz Zapisnika Komisije za javnu nabavku je vidljivo da nije bilo neblagovremenih ponuda.

Iz Zapisnika Komisije za javnu nabavku je vidljivo da se Komisija sastala dana 27. 06. 2017. godine, radi pregleda i ocjene ponuda, odnosno da bi utvrdila da li ponuđači ispunjavaju uslove iz člana 45. do 50. Zakona o javnim nabavkama koji su traženi Tenderskom dokumentacijom, kao i da bi utvrdila da li su ponuđači dostavili tehnički zadovoljavajuće ponude u skladu sa zahtjevima iz Tenderske dokumentacije, te da li su kvalifikovani za nabavku predmetnih usluga.

Što se tiče ocjene o ispunjavanju uslova za primjenu preferencijalnog tretmana domaćeg, Komisija je u Zapisniku konstatovala da je ponuđač ZOVKO Osiguranje d.d. Goliješnica bb, 72230 Žepče dostavio Uvjerjenje Kantonalnog poreznog ureda Zenica, Porezna ispostava Žepče od 12. 06. 2017. godine, kojim se potvrđuje da su preko 50 % uposlenih poreznog obveznika ZOVKO Osiguranje rezidenti BiH.

Međutim, Tačkom 25. Tenderske dokumentacije, Ugovorni organ je utvrdio:

„U svrhu dokazivanja da ispunjavaju uslove za primjenu preferencijalnog tretmana domaćeg ponuđači su obavezni dostaviti:

-Potvrdu Vanjskotrgovinske komore ili druge nadležne privredne komore da najmanje 50% radne snage za izvršenje ugovora su rezidenti iz Bosne i Hercegovine.

Za Ugovorni organ je prihvatljiva samo Potvrda o preferencijalnom tretmanu domaćeg koja glasi na konkretan predmetni postupak nabavke, broj obavještenja o nabavci objavljenog od strane Univerziteta u Sarajevu i koja glasi na ponuđača koji je dostavio ponudu.”

S obzirom da ponuđač ZOVKO Osiguranje d.d. Goliješnica bb, 72230 Žepče nije dostavio Potvrdu o ispunjavanju uslova za primjenu preferencijalnog tretmana domaćeg, kako je traženo tačkom 25. Tenderske dokumentacije, Komisija je u Zapisniku konstatovala da ponuda ponuđača neće biti odbijena, ali da ponuđač ZOVKO Osiguranje d.d. Goliješnica bb, 72230 Žepče neće uživati preferencijalni tretman domaćeg.

Svi ostali ponuđači koji su blagovremeno dostavili ponude za LOT 3. OSIGURANJE MOTORNIH VOZILA dostavili su dokaz o ispunjavanju uslova preferencijalnog tretmana domaćeg, kako je traženo Tačkom 25. Tenderske dokumentacije, tako da uživaju preferencijalni tretman domaćeg.

Komisija za javnu nabavku je utvrdila da se u predmetnom postupku javne nabavke za LOT 3: OSIGURANJE MOTORNIH VOZILA, ponuđač EUROHERC OSIGURANJE d.d. Trg međunarodnog prijateljstva 20, Sarajevo isključuje iz slijedećeg razloga:

Ponuđač nije dostavio dokaz koji je Ugovorni organ tražio Tačkom 13.2.1. pod b) Tenderske dokumentacije:

b) ovjerenu kopiju originala Rješenje nadležnog organa iz koga se vidi da je ponuđaču odobreno obavljanje djelatnosti koja je predmet ove nabavke sa naznakom vrste osiguranja za koje je izdata dozvola.

Iz navedenih razloga, Komisija za javnu nabavku je ponudu ponuđača EUROHERC OSIGURANJE d.d. Trg međunarodnog prijateljstva 20, Sarajevo ocijenila kao NEPRIHVATLJIVU.

Iz zapisnika Komisije za javnu nabavku je vidljivo da je Komisija provjerila računsku ispravnost dostavljenih ponuda i utvrdila da u ponudama ponuđača nije bilo računskih grešaka.

Komisija za javnu nabavku je, prema kriterijumu najniža cijena, sačinila rangiranje prihvatljivih ponuda ponuđača na slijedeći način:

R. br. na rang listi	Naziv i sjedište ponuđača	Ponudeni popust	Ukupna cijena ponude KM bez PDV-a	Ukupna cijena ponude nakon primjene preferencijalnog tretmana domaćeg (-10 %) KM bez PDV-a
1.	ASA osiguranje d.d. Trg međunarodnog prijateljstva 25, 71000 Sarajevo	0,00 %	2.214,77	1.993,30
2.	VGT Osiguranje d.d. Alaudin 1, 71300 Visoko	0,00 %	2.415,90	2.174,31
3.	ZOVKO Osiguranje d.d. Goliješnica bb, 72230 Žepče	0,00 %	2.508,01	-
4.	TRIGLAV OSIGURANJE d.d. Dolina 8, 71 000 Sarajevo	0,00 %	3.627,00	3.264,30

Nakon pregleda i ocjene ponuda, Komisija za javnu nabavku je utvrdila da u predmetnom postupku nabavke za LOT 3. - OSIGURANJE MOTORNIH VOZILA nije bilo potrebno podnositi zahtjev za objašnjenje cijene ponude.

Komisija za javnu nabavku je dala preporuku rektoru Univerziteta u Sarajevu da za nabavku usluge LOT LOT 3. - OSIGURANJE MOTORNIH VOZILA za potrebe Univerziteta u Sarajevu, donese odluku o izboru najpovoljnijeg ponuđača i dodjeli ugovor ponuđaču ASA osiguranje d.d. Trg međunarodnog prijateljstva 25, 71000 Sarajevo, čija ponuda je, u skladu sa kriterijom najniža cijena tehnički zadovoljavajuće ponude, ocijenjena kao najpovoljnija sa ukupnom cijenom ponude od 2.214,77 KM bez PDV-a (slovima: dvijehiljadedvjestotinečetnaest KM i 77/100).

Iz gore navedenih razloga, primjenom člana 64. stav (1) tačka b) Zakona o javnim nabavkama BiH, prihvaćena je preporuka Komisije za javnu nabavku i odlučeno je kao u dispozitivu ove Odluke.


POUKA O PRAVNOM LIJEKU:

Protiv ove Odluke može se izjaviti žalba, najkasnije u roku od pet (5) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi. Žalba se podnosi u najmanje tri (3) primjerka.

Naknada za pokretanje žalbenog postupka plaća se Uredu za razmatranje žalbi, u skladu sa članom 107. Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama BiH.

Rektor


Prof. dr. Rifat Škrijelj



Dostaviti:

1. ZOVKO Osiguranje d.d. Goliješnica bb, 72230 Žepče;
2. VGT Osiguranje d.d. Alaudin 1, 71300 Visoko;
3. ASA osiguranje d.d. Trg međunarodnog prijateljstva 25, 71000 Sarajevo;
4. TRIGLAV OSIGURANJE d.d. Dolina 8, 71 000 Sarajevo;
5. EUROHERC OSIGURANJE d.d. Trg međunarodnog prijateljstva 20, 71000 Sarajevo.
6. Prorektor za finansije
7. Generalni sekretar UNSA
8. Služba za računovodstvo i finansije UNSA
9. u evidenciju javnih nabavki
10. web stranica UNSA
11. a/a

Prilog: Zapisnik o pregledu i ocjeni ponuda